

I mientras su kurason ta anunsiá ku fervor
E konkista admirabel di ochenta aña
Ta brota den e fuente di su espirito
Te awe e rosea di hubentut

I mientras tempo ta continuá su menasa
Palabranan ta faya, ta haci inhustisia
Na e poesia den su mente
Na e entonada úniko di su bòs

Pero mientras otro ta mira e antorcha
Mientras otro ta wòrdu inspirá
E mensahero por gloria den e logro di su mishon
Por selebrá e triunfo di su bida

Ku e wordu skuchá, e fiel kargador aki di e bandera Arubiano
Ku e wordu lesá, e palanka aki di nos kultura i di nos Papiamento
Ku e wordu akompañá, den e buskeda eterno pa raís di nos país
Ku e wordu siguí, den su persekushon di balornan históriko
nashonal

Esaki lo ta e maximo elogio
Esaki lo ta e mihó honor
Ekspresshon sincero di magnitud di nos apresio
Rekonosemento total di e balor di su herensia

I mientras ta keda lucha pa nos origennan
i modelonan ta surgi manera Hubert Booi
Ta kontribuí un grano mas na e kopa di speransa
Ku nos identidad lo wòrdu konservá